

中國方志叢書·華中地方·第二八八號

據

清嘉慶十六年刊本
清曾鈺纂修

影印

湖南省

寧遠縣志

(一)

成文出版社有限公司印行

70/9575



10097099

中國方志叢書·華中地方·第二八八號

據

清嘉慶十六年刊本
清曾鉅纂修

影印


湖南省

寧遠縣志

(二)

sk56/ok

成文出版社有限公司印行



中國方志叢書·華中地方·第二八八號

據

清嘉慶十六年刊本
清曾鈺纂修

影印

湖南省

寧遠縣志

(三)

成文出版社有限公司印行

5456/04



10097101

中國方志叢書·華中地方·第二八八號

據

清嘉慶十六年刊本
清曾鈺纂修

影印

湖南省

寧遠縣志

(四)

成文出版社有限公司印行

sk56/64



10097102

中華民國六十四年 月壹一版

寧遠縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重編寧遠縣志序

寧遠之有志不自今日始也而寧遠志之
當捐在今日則有不可得而緩者寧遠之
志創於明廣文唐之儒

本

朝以來前令沈公仁勇徐公旭旦鍾公
文皆重脩之唐志久失其本惟後三志
志細閱各志詳為參證別類分門體裁未

能完整立言發議繁簡亦少合宜考據多
疏訛叢殊甚非志之善也而其中所當更
正者猶夥夫九疑瀟湘都谿天下名山水
也載於水經注郡國志諸書不知援引指
証使山川赤色無以動人耳目當更正一
也寧遠疆域廣袤三百餘里兼兩漢六朝
春陵冷道二縣之地廢置沿革歷二十年

諸史所載彰明較著不加深考詳為蔕列
使後人僅知有冷道不知有春陵當更正
一也九疑為大舜藏精之所春陵為光宅
鼓祥之墨神臯奧壤非他處比不能標題
勝概闡揚事蹟使山靈地脈鬱而不宣當
更正三也李子元樂雪碣輩科名德誼同
絕一時為邑翹楚傳中寥寥數語無以表

揚先哲振勵後賢當更正四也至于序天文則鈔襲省郡各志蕩無崩裁言地理則位次紊亂全少發揮事蹟多晦經羅未週當更正者尤不一而足欲信令而傳後必易轍而改絃況自鍾志以後由乾隆癸酉迄今五十餘年職向之代更戶口之增耗風俗之移易物產之繁滋以及孝義節烈

之間主高賢碩彦之蔚起前者當補後者
宜增所貴及時採訪編人紀藉使後世數
興者得所據依毋憂遺缺更亟亟之不揣
固陋爰遴延都人士與之晨夕商確分類
編輯而竊總其成週六閱月而蕝畧雖成
書太速草率貽譏在所不免然陶寫山水
激揚節義搜求古蹟折衷舊章或損或增

有因有革循辭選義考獻徵文一長一節
可以勵風化者罔弗登焉一咏一歌可以
壯名勝者必為錄焉一邑之興煥然改觀
未久不無小補也則寧遠之有志雖不自
今日始若覺自今日始矣

嘉慶十有七年壬申正月人日署寧遠縣
知縣事閩南石友曾鈺謨



舊序

歲癸亥之春

天子以滇黔告平四方底定爰命需臣纂修一統志以昭盛典
誌成功也越夏仲罷檄至縣寧荒邑也戎馬蹂躪之餘典
籍久經零落延唐舊本訪諸人士蕩然無一存者秋仲之
辰復奉嚴檄下邑謀諸邑之紳士某某等諸君子相對錯
愕罔知所措乃懸勸賞之格以開鼓進之門又閱旬日而
始獲田子殘編於樂生之家雖列卷有六率皆顛倒失次
散軼不全於是卽其端緒加以潤色田賦則質諸昭代之

全書祀典則參以學宮之合甲山川土俗按輿考而敘述
得宜物類方名詢閭閻而纖悉咸紀至若古聖名賢之遺
踪高人烈士之芳躅以及義夫節婦孝子順孫各從其類
校而列之俱各燎如指掌嗟呼寧之爲寧自兵燹殘破以
來文獻無徵上下相沿罔顧名義者蓋不啻數十年於茲
矣今幸志書一出法制未湮將盡取歷代之往蹟表揚而
稱道之其間貞淫各別妍媸攸分或者愚夫愚婦覩文物
之存聞風興起莫不憬然於觀型則倣之餘則重輯之功
其所裨於世道人心者正自不淺云寧遠令大興沈仁敷

識

蓋自九邱先於六籍地象倣於河圖故則壤成賦而後
職方爲輿圖爲統志代有成書非徒鋪張揚厲潤色治平
已也凡以幅員之廣狹關隘之阨塞戶口之多寡賢仁之
出處物產之滋植名山大川之襟帶按圖索貢莫不於是
乎在故志者志其所未備也今天下大一統矣東至日出
西被流沙南盡交趾北窮沙漠基宇之濶車書玉帛之盛
誠亘古所未有行開史局延遷固手筆重輯天下輿志成
一代盛典則輶軒四出勢必求諸郡國郡國又必求諸邑

蓋天下者一邑之所積也故一邑之志未備則一郡闕如一郡闕如則在通省在天下猶然未備也故吾謂他邑有志而寧邑獨無志非無志也誠未備耳嘗慨然曰寧邑廣袤三百餘里倣之周制當在侯伯之列賜履不爲不廣矣人物如李邵樂雷發輩洵彬彬有道君子後豈無繼起者且俗尙絃歌風土旣稱樸茂則孝義節烈之事堪入載者豈寥寥若彼卽九疑一區實爲天下靈府千秋弔古之士如蔡中郎元漫叟者盤桓寄嘯作爲篇章爲邑乘光采彼陽諫議寇萊公豈直擁肩輿作默遊而去然卒不可復職

元明以來又無論矣我

國家蕩蕩平平之盛治固已一道德而同風俗回憶兵燹之餘去今幾四十載其間戶口之增耗若何土地之開闢若何政治之興革風俗之改易若何人物之崛起山林物產之繁育若何反覆全志不無闕焉未備之憾雖然猶幸前事者從殘編斷蠹之中存什一於千百俾後人得一嚮之味假使聽其播棄於灰燼故紙間則其增感又復何如耶於是亟爲之序四十載以前之事雖不敢謝諸已往四十載以內不惜爲之旁搜博採引爲已任凡我父老耆舊有

聞必書有見必錄有來告者必校讐而剗削之務使顯微
鉅細條貫犁然寧質毋華寧樸毋野寧信而有徵毋夸而
鮮據鈇之成書以備千百年九疆信史庶他日輶軒之採
不至失而求之野云康熙四十八年歲次己丑長夏錢塘
徐旭旦譔

邑之有志國因之有史志何由昉乎自外史氏廢四方之
志失其掌太史公易編年之法而作史記班孟堅作漢書
復易史遷書體而爲志遂爲後來志乘之權輿於是而一
統而省郡下而至於一邑靡不有志而邑志者又郡省一